

ქედის მუნიციპალიტეტის საკრებულოს
საფინანსო-საბიუჯეტო კომისიის სხდომის
ოქმი N4

დაბა ქედა

09 აგვისტო, 2022 წელი

სხდომა დაიწყო 11:00 სთ-ზე
სხდომა დამთავრდა 11:20 სთ-ზე

სხდომას თავმჯდომარეობდა ამირან წულუკიძე - ქედის მუნიციპალიტეტის საკრებულოს
საფინანსო-საბიუჯეტო კომისიის თავმჯდომარე.

სხდომას ესწრებოდნენ:


ამირან ცინცაძე - კომისიის წევრი
რეზო თურმანიძე - კომისიის წევრი
ოთარ ხარაძე - კომისიის წევრი

სხდომას არ ესწრებოდა:

რომან დავითაძე - კომისიის წევრი
ლევან ბერიძე - კომისიის წევრი
ირაკლიმახარაძე - კომისიის წევრი

ქედის მუნიციპალიტეტის საკრებულოს საფინანსო-საბიუჯეტო კომისიის წევრთა
სარეგისტრაციო ფურცელი

09.08.2021 წელი

№	სახელი, გვარი	თანამდებობა	ხელმოწერა
1	ამირან წულუკიძე	კომისიის თავმჯდომარე	
2	რეზო თურმანიძე	კომისიის წევრი	
3	ამირან ცინცაძე	კომისიის წევრი	
4	რომან დავითაძე	კომისიის წევრი	
5	ლევან ბერიძე	კომისიის წევრი	
6	ოთარ ხარაძე	კომისიის წევრი	
7	ირაკლი მახარაძე	კომისიის წევრი	

სხდომის თავმჯდომარემ დღის წესრიგი ჩამოაყალიბა შემდეგი სახით:

დღის წესრიგი:

- დაბა ქედაში, ტბელ აბუსერიძისა და ვაჟა ფშაველას ქუჩის მიმდებარე ტერიტორიაზე, პროფესორ ვახტანგ პაპუნიძის ბიუსტის განთავსების შესახებ.

მოისმინეს: სხდომის თავმჯდომარემ განმარტა, რომ ქედის მუნიციპალიტეტის საკრებულოში მიმდინარე წლის 2022 წლის 20 მაისს N95-95221401 წერილით წარმოდგენილი იქნა დაბა ქედაში პროფესორ ვახტანგ პაპუნიძის ბიუსტის განთავსებისთვის საჭირო დოკუმენტაცია.

ინიციატორების მიერ მოთხოვნილი იყო ბიუსტი განთავსებულიყო დაბა ქედაში, აღმაშენებლის ქუჩაზე, თუმცა 2022 წლის 20 ივნისს ჩატარდა საკრებულოს სოციალურ საკითხთა კომისიის №2 სხდომა, რომელმის გადაწყვეტილებით მიზანშეწონილად ჩაითვალა ვახტანგ პაპუნიძის ბიუსტის განთავსება ვაჟა ფშაველას ქუჩის დასაწყისში.

პროექტის ინიციატორების მიერ 2022 წლის 24 ივნისს განმეორებით წარმოდგენილია მომართვა N95-95221752, რომლითაც ბიუსტის განთავსების ადგილად მითითებულია ვაჟა ფშაველას ქუჩის დასაწყისი.

ინიციატორის განმარტებით, ბიუსტის დამზადება და განთავსების ხარჯები განხორციელდება საინიციატივო ჯგუფის მიერ, ხოლო ტერიტორიის კეთილმოწყობის, ლენდშაფტურ-არქიტექტურული გეგმიური გადაწყვეტის, ადგილმდებარეობის რეკონსტრუქციის და სხვა რიგი კეთილმოწყობითი წარმოებისთვის თანხის მობილიზება მიზანშეწონილია ქედის მუნიციპალიტეტის ბიუჯეტის სახსრებით.

ქედის მუნიციპალიტეტის მერის 2022 წლის 2 აგვისტოს N94-9422214111 წერილის შესაბამისად, ქედის მუნიციპალიტეტის მერია გამოთქვამს მზაობას, დაბა ქედაში ვაჟა ფშაველას ქუჩის დასაწყისში პროფესორ ვახტანგ პაპუნიძის ბიუსტის განთავსებისათვის და მიმდებარე ტერიტორიის კეთილმოწყობის პროექტის განხორციელებისათვის, თანამონაწილეობის ხარჯების გაწევისათვის.

ქედის მინიციპალიტეტის საკრებულოს 2020 წლის 6 ნოემბრის №25 დადგენილების „ქედის მუნიციპალიტეტის ტერიტორიაზე მონომენტური სახვითი ხელოვნების მეგლის (ქანდაკების), ობელისკის, მემორიალური დაფისა და სხვა მემორიალური ობიექტის განთავსების წესის“ დამტკიცების შესახებ მე-2 თავის მესამე მუხლის 3-ე პუნქტის შესაბამისად, ქედის მუნიციპალიტეტის საკრებულოს საფინანსო-საბიუჯეტო კომისია ვალდებულია მიღოს გადაწყვეტილება ბიუჯეტიდან დაფინანსების შესაძლებლობისა და მიზანშეწონილობის თაობაზე.

კომისიის წევრებს საკითხთან დაკავშირებით შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა.

კენჭისყრის შედეგები:

მომზრე: 4

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს დაბა ქედაში, ტბელ აბუსერიძისა და ვაჟა ფშაველას ქუჩის მიმდებარე ტერიტორიაზე, პროფესორ ვახტანგ პაპუნიძის ბიუსტის განთავსებისათვის თანამონაწილეობის ხარჯების გათვალისწინება ქედის მუნიციპალიტეტის ადგილობრივი ბიუჯეტში.

კომისიის თავმჯდომარემ სხდომა 11:20 სთ-ზე დახურულად გამოაცხადა.

კომისიის თავმჯდომარე



გმირან წულლუკიძე

ოქმი შეადგინა:

დამხმარე სპეციალისტი

საკრებულოს კომისიების საქმიანობის

ორგანიზაციულ საკითხებთან დაკავშირებით

თ. ჭავჭავაძე თეონა ჯინჭარაძე